

**Oratio ex Harveii instituto habita in theatro Collegii Regalis Medicorum
Londinensis festo Sancti Lucae Oct. XVIII. A. D. MDCCLXX.**

Contributors

Relhan, Anthony, 1715-1776.

Publication/Creation

Londini : Apud Gul. Johnston, 1771.

Persistent URL

<https://wellcomecollection.org/works/h6w9fg46>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

O R A T I O

EX HARVEII INSTITUTO

HABITA IN THEATRO

COLLEGII REGALIS

MEDICORUM LONDINENSIS

FESTO SANCTI LUCÆ

OCT. XVIII. A. D. MDCCLXX.

L O N D I N I,

Apud GUL. JOHNSTON, MDCCLXXI.

OF THE

EX HARVEY INSTITUTION

LABORATORY

COLLECTION

AND DISSECTION

OF THE HUMAN BODY

OF THE HUMAN BODY

LONDON

JOHN JOHNSON, ST. PAUL'S CHURCH-YARD

THOMÆ LAURENCE,
COLLEGII MEDICORUM LONDINENSIS
PRÆSIDI DIGNISSIMO,
SOCIISQUE EJUSDEM ORNATISSIMIS,
HANC ORATIONEM
IPSORUM HORTATU HABITAM, ATQUE EDITAM,

D. D.

ANTONIUS RELHAN,

Ejudem Collegii Socius.

THOMAS LAURENCE

COLLEGI MEDICORUM LONDINENSIS

PRESIDI DIGNISSIMO

SOCIETATIS EIVSDEM ORNATISSIMAE

HAEC ORATIONEM

IPSORUM HORTATU HABITAM ATQUE EDITAM

D. D.

ANTONIUS REYNARD

Edinburg College Socius

MA X I M A debetur, Auditores Spectatissimi, Medicinæ laus, quod eodem Auctore & ipsa, & quicquid est bonarum literarum, sanæque disciplinæ, Anglorum gente tanquam ex orco in postliminium reducta fuerint.

NAM, Linacer, ante te ortum, nec sanare corpus Medici, nec animum erudire docti, ut tum habebantur, callebant. Jacebat res Medica, fascinationibus plerumque involuta; jacebant scriptores boni, pars tineis omnino devorata, cæteri aut parum lecti, aut prorsus ignoti: undè & ipsius Sacri Codicis lux tandem penè extincta est.

QUAM arcta igitur societas veram inter medicinam & literas humaniores? illâ enim perditâ, & hæ simul interierunt; quique princeps unam, hic iisdem artibus & alteras, ex integro renovavit. Quem fanè nobis patrem lætissimis gloriamur animis: Quem hujusce Collegii, in perpetuum uti spero mansuri, fundatorem celebramus; hunc omnes æqui, bonique, utrius Restauratorem libenter & gratè agnoscunt.

LAUDESNE has aut nimias, aut Linacro non debitas reprehendit quispiam? Recordamini quæso, qualis fuit ipso adolescentulo Medicina, ipso autem fene qualis: quàm ignota, cum primum Rempublicam accessit literariam, studia humaniora, quàm amplissima vero moriens eadem reliquit: quàm etiam enixè, quàm feliciter in utroque sudavit. Huic igitur quam damus laudem, ulla nimia censerì potest? Qui post incuntem ætatem, in Academiis nostris positam, divinitùs credo motus, nam cætera undique inhibebant potiùs, Italiam petit sciendi gratia, se adhuc ratus scivisse nihil. Recolligite paulisper quantum solet superbire animus, qui in systematibus à teneris enutritus annis, nil extra ea aut verum existimat, aut expetendum: qui cum barbarè semper locutus esset, cunctos puri sermonis amatores, veluti Barbaros aspernatur & odit. Has tamen animi fordes exuens Linacer, puro tandem se lumine donavit. Qui enim solummodo exponit quanta affecutus est Linacer, ex quibus incepit initiis tacens, næ is malignus Linacri laudator habendus est.

IDEM verò Barbarus Italiam profectus, paucos post annos, vel in ipsis Athenis, si Græce differentem audires, sin Latinè, in ipsa Roma, Augusto imperante, natum atque institutum existumares. Orationem ejus tam
castam

castam quam ornatam, simplicem nec indoctam agnoscebant Itali; minimè æqui exterarum gentium auditores.

ERAT in hac tempestate Florentia urbs, tanquam alteræ Athenæ; in quâ, si non unâ, certè potissimum colebantur Musæ; & quicquid est literarum, veræque scientiæ, labore felicissimo pariter ac ingentissimo promovebatur. Deus enim Europæ tam gloriæ quam felicitati benignissimè consulens fecit, ut funesto tempore quo Constantinopolis funditùs everteretur, Medicæa, gens inclyta, in Etruria rerum potiretur: pulsi à fedibus suis Græci eruditi, & soli inter istius ævi homines eruditi, Florentiam non tam exilii sedem, quam Musarum domicilium, otiumque literarium adepti sunt. Principes Medicæi, qui æternum ut tenerent imperium digni, certè in omnibus terris ubicunque affulserit literarum lux semper & summoperè laudandi, hos non ut profugos exules, sed ut legatos ab ipso Deo missos, qui feros hominum cultus emendarent, lætissimis accepere animis. En! iterum Italiam à Græcis colonis excultam atque ornatam; quique olim Orientalem ejus oram, nunc & quæ ad Hesperum vergit, studiis suis ut mitesceret, effecere.

QUORSUM vero hæc? ut Medicæis tribuantur laudes? hoc quis defugiat literarum cultor? quod etiam ad Linacri

nacri laudem non mediocriter pertinet. Hunc enim Laurentius, laudatissimos inter Medicæos vel laudatissimus, adolescentulum & exterum & ignobilem, propter ingenii dotes adeò admiratus est, ut fuorum condiscipulus filiorum ut esset, rogavit & impetravit. Magistri fuere in Græco sermone Chalcondylas, in Latino autem Politianus, in hoc tempore longè omnium celeberrimi, quorum utrumque æquare omnibus, non paucis superare, Linacer visus est. Quis igitur miratur Leonem Papam, Laurentii filium, tantum promovisse bonas literas, quantum cæteri, Papæ grex, eas deprefferant atque conculcaverant? Cujus fanè laudis partem non exiguam Linacro jure tribues, qui condiscipulum suum exemplo suo provocasse, & operâ adjuvâsse existumandus est.

FLORENTIÂ Romam profectus est, ubi in Physicis differentem Hermolaum Barbarum, magni nominis, ut ut tunc se res habuit, Philosophum audivit. Undè si non multum cepit fructum, nullum amisit quidem; decessitque purus atque integer, nec linguam inquinatus, nec vanis quæstionum figmentis, abs vero naturæ cultu, distractus & abalienatus. En! enim Galenum ab ipso latinè versum, pulcherrimum idemque luculentissimum testimonium. In quo agnoscunt omnes interpretem, non minus castum quam religiosum, qui quid sit Græco, quid sit Latino proprium sermoni undique ad unguem callet;

callet; adeò ut Varronem interpretantem, vel Philologum latinè scribentem legere videris, quando Græci & Romani alterius tanquam sui ipsius linguâ utebantur.

DIES mihi deficeret recitanti laudes quas in Linacrum nostrum summa contentione æquales fui congefserunt. Erasmo carus fuit, nec Budæo minùs carus. Quorum uterque in epistolis inter se frequentibus, literas atque eruditos memorantes, huic tantum, quantum alii nemini deferunt. Inter se non rarò discordes, in Linacro laudando semper concordēs fuere. Hunc verò Erasmus præsentem præsens maximè coluit, ut præcipuum bonis literis subsidium atque ornamentum. Ægrotante autem Linacro quàm ejulatur! virum dicens, qui nec morti, nec morbis obnoxius esse debuit. In epistola quadam ad eum missa, quàm enixè rogat, hortatur, orat, ut scripta tandem sua publici juris fecisset! ne fortè, mortuo illo, summo cum rei literariæ damno perirent. Ego, inquit inclytus ille Batavus, festinator sum in edendis operibus meis, tu sanè in tuis præter æquum & commodum tardior. Minimè quidem Erasmus improbo, quippe stylo promptissimo præditum, & quantum id ad fovendas jam pullulantes literas intererat, qui probè scivit. Linacrum verò nostrum cordatior quis non probat? qui nihil nisi limatum in lucem proferre, atque perfectum ausus est, tam eos qui tum degebant juvenes, quàm

quàm omnibus qui futuri sunt studiosis, carus atque probatus.

PORRO in literis idem cognoscere, idemque sapere adhuc conjunctiores eos reddidit. Nobile par, & ad studia promovenda unicè natum! Qui non modò de barbaris, sed de morosis & putidis itaque Musarum af-
fectis egregiè triumphârunt. Quorum uterque studiorum hostis, hi verò istis; quippe amicitiam præ se ferentes, nocentiores.

ERANT enim tum temporis, præsertim apud Italos, eruditi quidam, nullum in soluta oratione scriptorem, præter unum Ciceronem, probantes: adeò ut cæteros omnes, ne ipsum Sallustium, Romanè scripsisse agnoscerent. Hos videre est, magnâ operâ magnas protulisse nugas. In hanc egregiam stultitiam non semel quàm lepidè ludit Erasmus. Eandem perpetuò ferè Linacer acutissimè infectatus est. Nec ideò Ciceronis osiores vocandi sunt. Quis enim, in hoc egregio Philosopho, atque summo Oratore excolendo, atque ornando, plurem operam, vel feliciorē navavit unquam? Isti autem Ciceroniani, Ciceronem unum in soluto fermone legentes, cæteros scriptores Romanos ex orbe literario in exilium pepulerunt. Et quibus, tempus omnia vorans; quibus, Hunnorum inscitia ferox; quibus, ipsa Pontifi-
cum

cum male-sana pietas pepercerat, hos ipsos, viri literas revocare avidi, tollere & funditùs perdere satagebant. Quòd Livium igitur penè integrum hodie, quòd Cæsarem, quòd illud Sallustii os mellitum, quod gravissimam Senecæ Philosophiam habemus, Linacro nostro cum Erasmo totum fermè tribuendum est. Tullio enim solo perlecto, quis cæteros typis ingenti sumptu & labore mandâisset? aut quis manuscriptos eorum libros, in ea tempestate nec frequentes nec integros, vel diligenter conquississet unquam, vel repertos in loca tuta & munita collocavisset? Uno igitur, alterove delapso seculo, hæ omnes jam pridem detritæ chartæ, negligenter adservatæ in æternam clauderentur noctem, in pulverem fumumve exituræ. Varronem nobis esse ademptum, pluraque Sallustii scripta, quis Musarum cultor non graviter dolet? Quid si omnes hodie, præter Ciceronem unum desiderati essent? Eos enim frustra quæreremus, quorum nec liber usquam ederetur, neque ineditus jam superesset. Damnum profectò cum nullo conferendum! Hinc quantum Linacro debetur, vosmet in mentibus vestris reputate, nam res orationem nostram longissimè exsuperat.

Post hoc meritum ingens, Grammaticen ejus commemorare, res exilis nec fatiè digna forsitan videretur. Annon verò hinc flagrantissimum ejus in literis pro-

promovendis studium agnoscere libet? qui nullum detractavit laborem, quamvis ærumnosum, & sibi infructuosum, si modò iis prodesse potuisset. Prætereà Grammaticen, tunc temporis vel minùs notam, vel minùs puram purgare, & ad pristinam revocare normam, pusilli, aut cujuslibet esse, quis æquus judicabit?

IN quibus hætenùs dixi, tanta Linacro totus orbis literatus, quanta vix cuiquam alteri debet. Quod quidem sæpè & libentissimè fatetur. Apud exteras enim Academias, modò iis aliquid veræ affulserit scientiæ, illius divina eruditio, & summa in doctos beneficia celebrantur, & semper celebranda sunt. Quanto magis igitur nobis est celebrandus? quibus, præter cætera in omnes similiter merita, pater ut benignissimus atque sapientissimus colendus est. Artes enim egregias quas ipse primus conjunxit, eas nunquam divelli voluit, Medicinam nempe atque in bonis literis eruditionem. Hoc animi consilium perpetuò tenens, spreto sui ipsius comodo, opus pulcherrimum incipere ausus est, & inceptum ingenti sumptu atque labore tandem perfecit. Nam qui tantum gratia apud Regem suum valuit, quantum ejus in Medicina & literis dignitas valere debuit, hanc omnem ad perpetuam Medicinæ laudem, patriæque emolumentum direxit atque effudit: non sibi met ipsi Episcopatus, sed jura medicis in æternum valitura, & civibus

civibus suis profutura petens. Dolebat rem medicam hominibus juvandis præcipuè natam, his ipsis plerumque nocentem videns, & istis credi valetudinem, quibus, ut ait ille, calceos curandos crederet nemo. Dolebat Medicos nullam Minervam, nullasque literas callere videns, quos omnibus instructos atque comparatos esse necessariò arbitratus est.

REGI igitur suaſor, auctorque fuit, ut Collegium inſtitueretur Medicorum, qui, veluti Augures, olim ampliffima Romanorum dignitas, ſuos Collegas liberè, nec vetantibus, nec mandantibus imperitis, in perpetuum cooptarent. Utque penes hos eſſet videre, ne quid detrimenti capiat civium ſive vita, ſive valetudo; omnibus autem modis coercere audaces atque facinorofos empiricos, qui remediis, vel arcanis letiferis graſſantur, vel notis & probatis in hominum utuntur perniciem.

MAGNUM fanè imperium, nec niſi dignis credendum! ſed heu! inefficax atque infructuoſum. Quid valet ſi in Medicos ſolùm, in medicamenta non item, jus exercere poſſit Collegium noſtrum? Quid profeſſores imperitos in ordinem redigere, ſi palam & undique cum ingentiſſima plebis pernicie remedia porrigantur letaliſſima?

OPTIMAS quasque res quærunt homines, eas verò sine labore vel sumptu adipisci cupiunt: quod in vita & fanitate tuenda potissimum habet locum, undè fit, ut ei maximè credatur, qui certum, facile, & præsens pollicetur remedium; non arte sua fretus, quâ prorsus caret, sed quibus abundè pollet, linguâ promptâ, ore perfrieto, mente demùm impuratissima. Regis adde edictum, undique per libellos ambitiosè sparsum: testimonia tot hominum ficta, quamvis jurata, quibus & regium præsidium, & suamet ipsorum merita scilicet omnibus patefierent.

ISTA eruditus quisque, atque cordatior irridet: cæteri autem pessundantur dolis. Unum verò salvum esse, dum intereunt mille, quid tandem juvat rempublicam? Per hanc urbem amplissimam ambulanti, istiusmodi quot undique in os objiciuntur tela? adeò ut nonnunquam mihi videor Priamo inermi similis, per castra Achivorum infestissima iter facere, unde non patriæ subsidium, sed Divina vis me salvum præstat.

AN hæc temerè dicuntur? Multos podagræ debet Libitina, quanto autem plures, volgatis podagræ remediis debet? Quid scrophulosos, & scorbuticos, & hydropicos, quid calculum, febrimve memorem? alia quidem, post
multas

multas hominum strages, post auctorem opibus auctum indies fenescunt; indies verò succrescunt nova, & semper succrescent, nisi coerceantur audaces, qui nunc ubique, non modò impunè, sed præsidio legum jactato, grassantur. Nobis enim jus hæcce coercendi nondum concedit lex. Cur igitur regem nostrum, populi amantissimum, senatum itaque, totius orbis domicilium, non quàm celerrimè supplices adeamus, ut fanciant, ne quid medicamentum novum, nisi prius quale sit perscrutatum esset, atque comprobâssiet Collegium nostrum, ullibi proferre liceat.

SED querelis hodie non datur locus, omnia læta & festiva funto!

PROSPICIENS sagax Linacri animus sanxit, nè quis nisi suscepto prius in altera Academia Medicinæ gradu, Socius assumeretur; undè tam Academiæ quàm Collegii sui servavit, auxitque dignitatem; & utrumque arcto atque utilissimo tum sibi tum patriæ fœdere conjunxit. Hinc Medicis favent Academiæ, illinc Academiæ jura tuentur Medici. Cur autem tanti Academiæ habuit Linacer, quas barbarie, ignorantia, incultu squalere ipse viderat? Gliscebant & illic orientis doctrinæ lumen. Græcas Cantabrigiæ literas Erasmus ipse legerat; ingenia felicia, bonasque literas in utrâque multum promoverat

moverat Henricus Rex; nec Wolseius, cætera illaudatus, studiorum hostis, sed egregius & munificus erat patronus. Multa in melius cessisse viderat Linacer, quare de cæteris benè speravit & auguratus est. Denique in utrâque Academia instituit, qui rem prælegeret Medicam, certum quotannis, nec pudendum, iis stipendium ex opibus suis propriis in perpetuum condonans.

IN hoc tanto viro laudando, quis potest esse modus? nonne spatium dicendi legitimum, nonne dies ipse deficeret? Occurrunt verò plurimi, & iisdem ex laribus præclarissimi viri, quos filere nec hodiernum hoc institutum, nec ingentia sua merita sinunt. Linacrum profectò laudantes, & hos ipsos laudavimus simul, qui easdem artes & sedulò, & feliciter colebant.

QUOD quidem optimo jure vindicat Caius, qui Anatomiam, Medicinæ adjutricem vel maximam, ex Italiâ decerpens, felici augurio in Angliâ plantavit. Cætera quidem Linacro adeò similis, ut hoc salvo illum ademptum nec Medicina, nec Academiae desiderârunt.

HAMETUM, Caldwallum, Gulstonum de hoc Collegio, de bonis literis, deque patriâ optimè meritos, nec jus, nec fas, nec gratus animus silentio præterire patitur.

QUIS ille autem proximus, quem gloriâ undique fulgentem, nec oculorum acies satîs intueri sustinet? Hic est Harveius, nomen per omnes gentes cum laude dictum, semperque dicendum! qui, post tot seculis in Medicina investiganda consumptis, id invenit, quod in primis hujusce artis rudimentis patefieri debuit. Quantum enim valet in morbis sive dignoscendis, sive tollendis, sanguinis circuitum noscere, qui sit, quis sanus negat? Hac vero de re quàm delirabat cum ipso Hippocrate Galenus? At vide quàm iniquè, quàm ingratè, in optimè meritos agant homines! Ante ortum Harveium, de sanguinis circulatione nullus ne somniavit quidem; hanc verò postquàm ille non modò vidisset, sed certam ostendens omnium subjecisset oculis, non defuere invidi, qui palmam & coronam Harveio debitam, sibimet ipsis præripere contendebant. Heu duram eorum, qui liberales colendo artes hominibus profunt, conditionem! Quibus, propter inventa sua vel præclarissima, quam malignum datur præmium vivis, nec nisi post funera gloria!

Quo tu fessos Sydenhame nos rapis? Tu talis es, qualis, si nemo alius extiterit, æternam his ædibus gloriam comparavisses.

QUID Radclivium memorem? Quem simul ac natum dea Hygeia primarium voluit esse Medicum. Quàm investigandis in morbis perspicax mens! in sanandis itaque, de quibus jam diu deploratum erat, quàm supra omnes felix!

POST hos orditur præsens seculum, & hoc præclarorum in Collegio nostro virorum minimè effœtum. Qui ingentem à Linacro inchoatam gloriam, & ipsi tuiti sunt, ne dicam auxerunt, ut primum non modò in Medicina, sed in bonis literis cunctis obtinerent locum. Qui quicquid attinet five ad physicam, seu ad mathesin, five ad priscos scriptores, seu ad humanitatem, id summo suo labore, & cunctis opibus ubique adjuvare, atque excoluerunt.

EN Sloanum! qui tantum penum Scientiæ adaugendæ gratiâ, quantum nec reges opulentissimi, quantum nec Aristoteles ipse, quamvis adjuvante Alexandro, totius Asiæ domitore, coacervâssent. Musæum principes è longinquo profecti visere gestiunt, quod Medico, quod Collegii nostri Socio, & diu Præsidi debetur. Hoc moriens populo Britannico legavit, donum longè amplius quàm Bithyniæ regnum, quod populo Romano olim legavit Nicomedes.

SUMMAM in Medicina scientiam, cum felici in literis humanioribus acumine conjunxit Friendius, in omne celebrandus ævum. Qui Galenum rebus, verbis Ciceronem scriptor referebat.

MEADIUM non modo Collegium nostrum, sed tota etiam Britannia, ut eximium decus suum, semper agnoscet. In Græco, pariter ac Latino sermone doctus, tanquam alter ex Cœlo delapsus Medicæus, quo quælibet artes egregiæ promoverentur; quo doctis, sed modestis & inopibus confuleretur, cunctas suas opes libentissimè effudit. Undè divitiarum contemptor, quæ divitias longè superat, doctis, & cordatioribus, & benignis gloriam adeptus est perpetuò carissimam.

QUEM tu, Arbuthnot, in salibus, vel in doctrina reconditiore, vel in medendi laude, habuisti parem?

BROXHOLMIUM, Pellatium, Læum, Letherlandium, aliosque plurimos sciens prætermitto, non quòd iis merita, sed quòd nobis oratio atque dies desint ad dicendum.

SUPERSTITES ne pro meritis suis ingentissimis laudemus, vetat tam ipsorum pudor, quàm operis nostri lex.

Quod

Quod solum datur, Deum Optimum, Maximum, oro
 atque precor, ut quod nunc faciunt, semper faceſſant,
 literas bonas cum Medicina excolentes; quod ſibi in
 gloriam, Patriæ in ſalutem, huic autem Collegio in præ-
 ſidium & decus perpetuò cedat.

F I N I S.